



Libanga 1



# Incwadzi leNkhulu yetindzaba tabotwana

SISWATI



basic education

Department:  
Basic Education  
REPUBLIC OF SOUTH AFRICA

Incwadzi

8



## Tindzaba kulencwadzi:



### 1 Ana uya kadokotela



### 2 Busi utsenga libhayisikili



## Indlela yekusebentisa leNcwadzi leNkhulu:

Njengathishela, utawudzinga kuhlela ulungisele kwenta umsebenti wekufundza ngekwabelana ekilasini lakho. Imvamisa nakwentiwa kufundza ngekwabelana, thishela usebenta nelikilasi lonkhe, kodvwa-ke, uma likilasi lakho lilikhulu kakhulu, kungaba ncono kutsi usebente ngelicembu noma incenye yelikilasi. Kufute kunakisiswe kucinisekiswe kutsi bantfwana bayakhona kuhlala ngendlela yekutsi babone iNcwadzi leNkhulu kute baatowukhona kufundza umbhlo.

Esifundvweni wekufundza ngekwabelana eNcwadzini leNkhulu umntfwana ufundza kutsi incwadzi ibanjwa njani, kubamba incwadzi ime ngemfanelo, kuphenya emakhasi ngemfanelo. Sifundvo sitfutfukisa imicondvo nchanti ngencwadzi – ikhava, lingembili, lingemuva nesihloko. Sifundvo sibuye sikhombise kutsi inkhambiso yekufundza iba njani kani simcoka ekutfutfukiseni emakhono ebantfwana ekulalela, kukhuluma, kufundza, kucabanga, kubuketa tintfo nekubhala njengetimfuneko letibekwe kumaCAPS teku:

- Cija emakhono ekulalela nekukhuluma.
- Cija emakhono ekufundza lasacatfuta.
- Phendvula imibuto ngendzaba.
- Tibandzakanya ekucocisaneni, kunketana tikhala kukhuluma.
- Dvweba, kwefufula noma kwenta silingiso sendzaba.
- Sebentisa titfombe kucombelela kutsi indzaba ikuhuluma ngani.
- Sebentisa kufundza ngekwabelana njengesisekelo sekubhala ngekwabelana.

### Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kuhava yangemuva.)
- Sebentisa irula noma lutsi lwekukhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemplingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

### Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacomelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwefufula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngekukhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawhu ekhasini. Loku kutabasita futsi kutsi babone inkhambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwetfula ‘inkhulomo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gjima, gjima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kibili katsatfu kunketa bafundzi litfuba kwenta imphindza yemagama latsite, kwenta silinganiso semsebenti noma kukuye bateke tincenye letitsite tendzaba ngemagama abo.

### Umkhakha wesibili wekufundza ngekwabelana

- Kulomkhakha wesibili kusetjwentswa wona lowo mbhalo kodvwa-ke nyalo kunakisiswa kakhudlwana kutibsdzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulomo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondvonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlukene (lesilula-nje, kuphindze ahlelembise, kufananisa tintfo letihlobene, kubuyeketa nekuvisisa imibuto).

### Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

1

# Ana uya kadokotela



Namuhla Ana uyagula.

Ana uva kushisa.

Utjela Bobo thedi wakhe,  
"Ngiyagula. Ngiva kushisa."






Make wa-Ana amikise Ana  
kudokotela. Make atjele nesi kutsi  
Ana uyagula.

“Ana uyashisa kakhulu,” kusho make.  
Masinyane dokotela abite Ana.

"Sawubona Ana, utiva unjani?"  
kubuta dokotela.

Ana atjele dokotela kutsi uyagula.  
Dokotela atsi utawudzinga  
kumcilonga.





**"Ase sikale sisindvo sakho," kusho dokotela.**

**"Kuhle, wesindza ngemakhilogramu langema-25" kusho dokotela.**

**"Ase sikale budze bakho," kusho dokotela.**

**"Ungema sentimitha lali-125," kusho dokotela.**



# Dokotela atsintse sisu sa-Ana.




Akabuva buhlungu.

Dokotela alalele esifubeni sa-Ana.



Dokotela abuke ekhatsi emlonyeni  
wa-Ana.




Akabuva buhlungu.

Dokotela utjela Ana, "Uyagula.  
Unemkhuhlane. Ngitakunika  
umjovo nemutsi."

Dokotela bese uyamjova Ana.  
Eve buhlungu kancane.

"Ekuwi!" akhale Ana.



Ana acele dokotela kutsi asite Bobo.

"Dokotela, Bobo naye uyagula,"  
Ana utjela dokotela.

"Hawu Bobo, nawe uyagula?"  
kubuta dokotela.

Dokotela alalele esifubeni saBobo.



Akabuva buhlungu.



Dokotela bese ufaka libhandishi  
emlenteni waBobo.

“Uva sewuncono nyalo,” Dokotela  
atjele Bobo.

Dokotela anike Ana umutsi. Ana kumele anatse ithisipuni yinye yemutsi katsatfu ngelilanga.

Aphindze anike Ana emaloliphophu.


"Ube nesibindzi Ana," kusho dokotela.

"Ngiyabonga Dokotela," kusho Ana.

"Lucolo Dokotela, naBobo ungamupha iloliphophu?"

"Yebo!" kusho dokotela.

"Bobo angatfola  
mabili  
emaloliphophu."



2

## Busi utsenga libhayisikili



Busi bekasolo afise kutsenga libhayisikili. Ngalomunye umgcibelo, waya esitolo semabhayisikili naPam. Masinyane nje emva kwaloko, Busi naPam base beme embi kwelibhayisikili labebalitsandza bobabili: libhayisikili leliphinki lelihle! Bobabilli betama kuligibela, cha lalintjweza kahle kakhulu.

Watsi, "Pam, lihe kakhulu lelibhayisikili. Ngifisa kulitsenga."

Kodvwa libhayisikili lalibita R110 kani Busi bekane R50 nje kuphela. Masinyane emva kwaloko Busi wahlanganisa iminyaka leyi-Q, malume wakhe wamupha R50. "Nyalo cishe senginemali leyenele kutsenga libhayisikili," Busi acabanga.

Busi wase ucela uyise kutsi amuphe RIO.

Watsi, "Ngitakunika RIO, kepha kumele ungisite engadzeni kucala." Pam watsi, "Asiphakame sisebente, Busi." Ngako Pam wasita Busi engadzeni. Basusa emacembe, banisela tilimo.




"Ngiyabonga kungisita Pam," kusho Busi.

"Bangani baloko phela," kusho Pam.

Bavele basuka bayowutsenga libhayisikili,  
Busi ankonkoshele sipatji sakhe.

Emantfombatana akujabulela  
kugibela emabhayisikili awo.  
Ngalelinye lilanga  
basagibele ...

He-he Pam, ave  
kumnandzi kugibela  
emabhayisikili  
ndzawonye.



Yebo Busi, kumnandzi.  
Ngijabula kakhulu kutsi  
sobabili sinemabhayisikili.






Pam, lalela.  
Ngiva likati  
liyakhala.


Yebo! Buka, umsila  
walo ubanjwe kufenisi.




**Awu nebakitsi,  
likatana  
lelincane!**



Busi, sitalitsini?



Ngiyajabula kutsi sisindzise  
likati. Mhlawumbe kukhona  
lolifunako nje.



Ngibone iphosita letsi LIKATI  
LEDUKILE madvute nesikolo.  
Ngilandzele.



# MATFOTI


Ngilahlekelwe likati lami. Limhlophe futsi libubendze. Lati ligama lalo kungu Bubendze.

Nawulitfola lelikati lami ngicela utsintse Brenda ku 01234567.



Ngitalilandza mine ngekwami likati.

Busi wabeka likati ngekucophelela ebhasikidini lelibhayisikili lakhe lelipinki waya nalo ekhaya. Wabese ushayela Brenda lucingo. Masinyane wabe sekafikile Brenda kutowulandza Bubendze, bobabili betsaba kakhulu kubonana futsi.



Wemukelekile kuloluchunge lwetNCwadzi letiNkhulu. Loluchunge lweNCwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfola tilusito lolukhulu letinhlobonhlobo tetindzaba letikuletiNCwadzi letiNkhulu letisiphohlongo talesigaba, nebfundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwlunglele lona mgomo.

Kodvwa-ke, kufundza ngekwabelana usebentisa iNCwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNCwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetiNCwadzi letiNkhulu yenta kukhonakale kufundza uphimisele kuve bantfwana labanyentana ngasikhatsi sinye endzaweni lekhululekile lete umoya wekxesabisa.


TiNCwadzi letiNkhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele lwtiso nemibhalo leyimidvwebo.

Kungumsebenti wakho, njengathishela kwenta tindzaba tiphe kubantfwana ubuye wakhe simo lesinenjabulo nenhabunkhabu. Kusebentisa tiNCwadzi letiNkhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

## Lamanye emasu ekusebentisa iNCwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNCwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

ISBN 978-1-4315-2948-3



ISBN 978-1-4315-2948-3

THIS BOOK MAY NOT  
BE SOLD.



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



## Yakha yakakho insika yeNCwadzi leNkhulu

### Utawudzinga:

- Likhadibhodi lelibanti ngekulingana neNCwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhosana
- Timbili tifasa-phepha noma emaphekisi kubamba ikhadibhodi ingaphakami.

Sebentisa lethephu lenkhulu kuhlanganisa tincenye tekhadibhodi.

Goba ikhadibhodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulumdvwebo ngentasi.

